

玉茗堂全集

玉茗堂賦集目次

卷之一

和尊言賦

庭中有異竹賦 有序

療鶴賦 有序

百仙圖賦壽郭年伯

相奎父

池上四時圖賦 有序

匡山館賦爲友人豫章胡孟弢作 有序

銅馬湖賦爲友人金壇鄧伯羔作

賦

目錄

一

愁霖賦

懷人賦有序

吏部棲鳳亭賦有序

哀黃生賦有序

卷之二

遊羅浮山賦有序

秦淮可遊賦有序

青雪樓賦有序

西音賦有序

嗤彪賦有序

卷之三

大司馬新城王公祖德賦有序

感宮籍賦有序

奇喜賦有序

卷之四

四靈山賦有序

霞美山賦有序

浮梁縣新作講堂賦有序

卷之五

懷思念賦有序

高致賦有序

賦

目錄

二

酬心賦

有序

哀偉朋賦

有序

卷之六

豫章攬秀樓賦

有序

玉茗堂賦集目次

終

玉茗堂全集

臨川義仍湯顯祖著

賦

和尊言賦

靈仰方中提翔上官燦承孟閏矯揭南雍問我
何思思我慈翁昨得翁言提勗玄風翁曰告汝
民之初生空遊莫圉夏子姬嬴繩生知諧多知

鉅年自絕遙舉汝生有辰厥命在旅劉歷扈翫
不惡寒暑爲汝駘蕩不相齟齬胎素綿息絕弱
微許營載不密馳觴樂女迷惑兩豎醜不可語
謹牽龍轅馳雷汝醕調伏雀味誰迫汝處微言
邈視復息其所平冲廣行少取多與可以長壽
視天倚杵寧三波世遂絕敦固在儒爲聖在墨
爲巨曾是不居但費行精兒跪受教筆汗若雨

有生之生衆父之父兒非堯孔又乏彭聃無量
無方不得變漚禹疏舜女固絕夏南嚴規易守
嬰妙難深尊有成命天無戲談世目同諱何止
得三

庭中有異竹賦

有序

大學東廂向南君子亭兩偏皆竹而闌于外
小方池池外砌植紫牡丹白芍藥數株中有

賦

一卷二

竹亭然祠上旁無附枝闌干之內側生一
竹諸生疑此竹且穿簷而出當刮去大宗師
戴公不許此竹竟從橫闌稍曲而上不礙也
公嘆曰誰謂子無知矣授筆湯生立賦此兩

竹

大學之英君子之亭度靈臺而選勝繞聖林而
啟扁麗園橋之壁藻薦方沼之文萍被素風以

悠衍承翠氣之葱菁魚相忘於在池鳥載肅於
高冥非游壑之所筮寶君子之攸寧朱絃在御
玉磬懸庭緒休間於鼓篋肆靜謐以橫經采齊
而步其視呻畢靡亂其聽色載笑而嘉則張一
弛以遺形釋續綸乎几席絳流蒞于軒櫺幄垂
雲之曼叢帶積石之遙町練粉飄而冥冥玄池
韻以泠泠何修葺之茸露儼雙篠之伶俜在鑑

龍而矯雋信空虛之有靈顯湯生而命進授洪
園之筆精討橫簪以迺美立函文以經營池上
方臺雜卉羣栽丹華皎砌素藥翻堵執亭亭而
異觀照瀾瀾之檀欒挺碧鮮而上峙擢峯甕之
翠竿復有宇下盤桓庭宇饒蹇衆疑萃於孤高
謂妨檐而欲剪竟自出以委蛇挹清池而迥展
說此筭之生狀象至人之舒卷爾其爲狀也虛

中忌實疎節蘭密臨流似淵依巖類逸貞儼乎
淑美之操直比乎君子之筆影防露以嬋娟響
應律而蕭瑟茲實簪之一態未若貞標而巧出
乃其芳根獨遠一態玄通絕左右之歲蕤貫青
熒而在中匪臨深而表勁緊濬子以明冲豈太
山之荏苒似高岡之梧桐若其迸石而立磬折
偃僂下不礙於憑軒上不虧乎承宇差有心乎

雲步乍低迴而矯舉貴托根以自全異當門之
鋤去故孤生者常直近人者常曲直有取於明
心曲亦時而衛足明心靡遐衛足匪他一鸞一
鳳一龍一蛇自歌自舞或居或伸君子儀之素
體圓神左右貞風學士如林嘯吟藁竹遑嗣青
衿

秦鵠賦有序

大司徒王公北海樂亭人也聖亦加恩貴能
存賤賴閭閻譽先移長者之車俾謝光塵卽
倒王公之疑見其公子本藍田之玉艷示以
著述善冊府之璆經披讀其中有療鶴一記
司徒公從銜史遷大理時也途遭被創之鶴
哀鳴焉首軒而療之長翼盈臍終不復去表
君子之流慈偉仙禽之善托拙筆敬賦

夫何一皓麗之仙禽兮孕海隅之奇氣鼓壺喬
之清夷表頽立而開嶺遲丹素以明姿趾象虬
而振步形亞鳳以揚儀吐奇聲而寥徹駕雲縱
其委蛇薄幽林而不處隈平圃以高睨豈垂吭
於貴韞將能垂於昆池巢紅蘭之離繳醴玉態
以於離至乃華表誰雲爾巖墮雪膚散紫胎之
毛應素蒐戎之血月羽全虧霜翎乍折落萬仞

以遶驚遲千翎而橫絕歛桂籍之來遊會蒲且
之見授遂乃延頸伏地長鳴撼天向流風而若
訴庶歸仁兮自全厥有碣石真仙孤竹名賢儼
寶慈於柱史邁種德之庭堅霽霜稜于繡斧吹
暖律於盧船在雲屯而叩拯近震解以流蠲公
府之聽且止神臯之禽可憐遂乃駐此游龍收
其病鶴類秦樹之驚鳥似雕陵之感鵲縱置文

園留陪金閣煖僞格以難據遲誼寰而脊托謝
冲天之騏驥就投人之燕雀閱其半死半生借
以一丘一壑飲以流丹之泉傳以良金之藥俛
仰顧神行遊顧樂弱骨重堅殷痕再合嬉同神
王之覺怖異禪林之鵠戲葦叢之項墀對凝鏡
之華桐雨乃素月蟾流清風螢亂繡箔催蛩關
河別鴈滴塗露以涼生秋微霜而夜半尊隻誰

情逍遙無慮聽遠唳於層霄聳素心於遙漢至
若西北十五東南二八霞肆羣翔雲天永晏或
取仙人之簫或寄西王之札動清吟於園方寄
奔想乎塊北豈疎肉之難飛詎淺毳其如鍛低
昂欲翥徘徊至曙憶虞人於藻田奉君子於蘭
畝非戀目以余翳寔棄心之維恕念酬環其莫
展欲銜珠而未去寧希淇上之軒未羨緱山之

御願終惠於階升永畢生兮容豫

百仙圖賦壽郭年伯相奎父

南極一星西真百人靈儀飲日正氣生神年齊
一指人過六身黃骨寫照素領籠巾嶺岵村首
緬邈微頤松子遊漢桃花去秦桃結千年芝寔
松披萬歲之鱗蒲茸石上珊瑚海濱露晞紅燥
烟開翠勾俱邀皓侶並戲玄津則有葉綵并鶴

託李則麋奕則樵人之斧博則井公之碁了忘
懷於勝負或試守於雄雌復是仙林結響比竹
調吹琵琶出峽琴歌湧溜彼輕宮兮穆羽庶調
鳳以鳴螭列有金根紫腦繡軸紺綬筆挾空青
之秀箋標小碧之奇南軒並檢西極同窺坐寫
三皇之詰行書八會之詩若乃芙蓉半幘杜鵑
全披宿淚槐而叩舌鐘靈杖以支頤載色載笑

或前或隨棄維縣之廣樂謝迷陽於履綦剔耳
兮經宅之高意不掩晴髮兮明堂之華葉無虧
朔風窈窕兮景逶迤亦復遊波紫源采琳玄殿
月鼎裁圓霞火初扇雀舞蛇遊龍吟豹戰文武
閑調陽陰顧戀黃金丹兮半圭紅玉粉兮一片
一片兮丹田九轉兮洞天歸昌兮何與人事入
鼎兮空闕代傳出百關兮何莫留滯庭兮未旋

荆湘荷兮進酒援桂枝兮往篇重榮墜兮不免
非玄通之罔然何如列真之圖象帝之建龍花
對創螢芝并燃雲子風寔樞靜蕪川錯謬妙氣
寧知大年山中兮若有環中兮又玄詎貞脆之
殊承信語嘿以平筌欽風久矣圖雲爛然是用
寫東華之百老寄西昌之一仙

池上四時圖賦

有序

賦

南安孫子樂予同年友也構精館於周池之
中成臺之上極山水之致焉繁植千綿遊鳥
朝吹孫生體素懷冲覽聽流玩不能離去自
號印池居士屬者應詔迫而就道則緇囊錦
綉寫其八節之歡時而展之何必千里也騷
人墨客爭就其圖臨倘焉余爲賦之

橫浦新波章都權河東榮曙浦西華翠多藻魚

城之澹淡輝驚閣之嵒我途稀緜邇里息塵珂
蘊醺風而遠僻漾空景以逶迤有美一人在江
之沱本豫章之才子擢明光之桂柯染玄澤而
漱泳涉芳苑以婆娑選崇軒於一阜緜屬沱乎
四阿橫波暗柳倒挿舒荷慈龍翠竿班駁文莎
草香綠舞花明鳥歌池上今酌酒庭中今載過
荷參桂蠶觴飛樹蝶麗青雲而燁錦皺綠水以

賦

一卷 十

紫羅上客未散美人半酡步窈窕之環徑藉
綿之繡被含情久矣撫景云何若乃殘春告謝
入夏清和蕙葉遊蔡香樹眠蛾濯芙蓉而嗅蘭
飲石榴以懷蘿又如清飈聶亂素漢霓拖霜鳴
石馬露覆金蟻葉微波而聽鶴月安臺而影娥
至若嚴冬令積雪千里今結潔梅樹之開直開
玉梳之雪積也而夜與以猶乘蕙曉寒而詎輟

恣池主之遊踪並山陵之所設尊生子園而臨
之曰有是哉孫生之宗代不闕昔公和雲嘯
於蘇門與公靈簪於天台俱馳開域立鐵塵涯
未有卽人寰而遣適緣物務以遊懷今孫生以
方丈爲丘不離桑梓隔尋常之水卽是蓬萊先
大夫絃歌而資柳徑大夫人戴勝而處瑤臺婦
則蘭儀在室子則芝種盈堦可以晤言游泳永

謝推排乃復縻情好爵駐象璇台類三山而不
處涉萬里以賴來還楊生之岐路失祁氏之山
崖將無幸計遊之致取遺客之移館則孫公之
館池非樊父之池已焉哉莫往莫來山中之人
可倚或照或語人間之世如許且植援於山庭
重係迹于丹青印清池而鑑止終賞泐於奇齡

匡山館賦爲友人豫章胡孟叟作

有序

孟陲本豫章之才子慕匡仙之舊廬結架山
顛逶迤雲貌每聚遠公之笑自號果里之人
白雲恒標玄風再暘余嘉其志包宇宙爲賦
所居

羨澤國之洪州莫江陽之名嶽柱北斗以崔巍
鎮南條之廣邈爾其日月影射烟波沃漾積霧
沈峯橫雲矯嶂碎瀑珠寒香鑪翠颺竹影之金

書自然樹杪之鐺船無恙物死強梁人生弱喪
空迷閭水之中不住靈山之上如何孟叟先我
遊遨眉顏如畫意氣真豪河山不礙風雲自高
書盈唐述賦滿邊橈鵲峯比峭鷗岸雙遙發匡
后之寶牒竟吳噎之金膏見白龍之時起聽玄
豹之潛號搏空屏而曉灑寫石鏡於寒臯升降
神屏吐納靈川林冥冥今欲雨人飄飄今似仙

仙家兮遊衍，冒陰兮疊巘。覽神丘而帝居孰人，
寰其更選。借禪杯之一丘，構丹房於九轉。逗聯
鷲於石梁，尋飛鷲與敝編。天門之松，側生華嶠
之蓮。半卷况復岩流，自清藥樹恒榮。留半空之
霜雪，隔浮世之陰晴。長風夜作，則萬流俱響。曉
風晨嘯，則百嶺齊應。朝飢則平湖上菓，暇時則
彌山佛燈。允可以頓真人之響策，儼神區之赤

城乃有辯才大士玄德先生迦祿靈之滌覽泛
馨香而解縈妙言對揚之地高真玄慈之楹振
林木以長嘯憶蓮花之舊盟出淺見而遊戲捫
重玄而迅征方遺蛻平生品又何流驚於塵情

銅馬湖賦爲友人金壇鄧伯羔作

若有人兮鄧林懷悠悠兮子矜臥仙壇於谷口
封天湖之水心谷口兮流眇水心兮殘照山中

人兮何之去滄波兮獨釣若乃春風不寒春流
正寬紅鱗試子綠草迷芊攬芳洲兮杜若倚垂
楊之釣竿及夫文萍旣合珠荷未卷麥雨飛來
蘭風澗轉苔磯之迹全蕪竹嶼之絲半展至如
白露霞明綠淑風清肥魚正美石鴈裁鳴靡芳
桂以爲餌泝薰葭之盈盈况復素雪紛飄玄池
寂寥皓明湖其未凍詎幽山兮見招漱寒流而

隊蘭聊卒歲以逍遙坐飛闌之曲碕步澄灣之
板橋眺魚臺於月夕移翠篠於霞朝玩沈精乎
在藻寧紛波乎市朝厭土王生長爲釣侶比目
雙抽文竿對舉鱗彼嘉魚陳其芳醕厭玄洲之
共學憩長楊而並語側微棹於歸風濯煩纓於
逝渚其釣維何載遊載歌歌曰水國波臣漁父
賢人蒼梧兮浙水黃河兮衛津並垂願於巨獲

難催前閨易掩覆
立雲來征袍雨點度
谷雷懸攀巖電閃橋道斷
絕泥途積染何旅緒之搖搖
嘆年途之冉冉至若載陽載陰
倏啼倏笑北斗潛輝東皇隱照
巷絕來遊門希久要水鳥翔其
戶商羊生於穴寫崩山之絕絃
斷凌雲之逸嘯沒玄寂於蓬萊
跟真空於藜藿詎知夫椒屋驕
奮梓澤妍華客淋漓於公府賓
沐櫛於侯家誰

惜王家之郭誰借孫弘之車蔭併幪于夏宇等
晴麗于春霞灑暗琴之薄蘚雷檐桐之暗華遂
乃置酒飛閣疊坐崇樓覩朝隰而不歎指暮雨
而淹留雖復金鋪繡澀玉鳥津流素屋有昏頽
之苔紅氍無底滯之憂爾乃室乏甍儲家徒壁
立上復繩樞上漏下濕丹釜遊魚顏瓢斷粒固
宜其寂寥無賞淪埋類螽蟴爲之號咷飛禽

爲之翕戢于桑餽而未死于輿悲而載集卜于
之蓋遙馳郭氏之巾屢浥褊飯而趨排榛而入
徒聞其且絃且誦如歌如泣怪其情生嬾其調
急悲情生兮匪他問傾天兮謂何對升雲之龍
蒼畏淪放之滂沱玄黃漫其無質陽陰灑而未
和蕪漸如之蔓草泣飄零之桂柯匡渠一鼓愁
霖再歌歌曰父耶母耶原覆顧之周遮天平人

乎寧燥濕之偏枯晏雨何心委運因任隨飄隨
止孰勸孰淫本萬物之爲芻蕘人生兮若林有
情者分其濡矣無心者一其霽沉且棲遲而撫
化又何慘積于愁霖

懷人賦

有序

懷樂安令沈公蕪也蕪美須顏有烟霞之致
移令樂安彷彿王喬之在鄴竇子明之化陵

陽也入朝左遷于楚余亦下第過余咄曰義
無不釋乎以子之姿太清太寧之氣也豫章
廬山遠有匡俗近有顛張遠有徐孺子近有
吳聘君高者鸞鷟天庭低者鵲起人世紛紛
偕計射策銷其年力珠彈玉抵君向取焉余
時擁臥未荅眷其知己絕人矣歸南都中伏
夜不能寐起坐月露之中披懷作賦

悲夫天大地小飄其淳光日往月來流其迅景
運密徙以疇覺物昭徂而遽警戢升淪于半氣
覽衰隆于俄頃孰無懷而不傷在有情而必整
雖美人兮滿堂競勸余之修騁慚御世之無奇
橐深流而縮綆趾鄧林而必枯詎冥山而見鄧
內熱愁焦長途異影儻踴驚於青齡復遲徊于
素領俟河清而海塵幾覓銷兮骨冷故知死之

徒而欲生躁有君而用靜想盡者窮年觀冲者
忘境羨往去之松喬識向來之箕顓務尊養以
蘄全疾銷聲而自屏佳哉沈生海內廉貞德有
曾鮑之實政留蒲密之聲余方榻迹於公府沈
亦垂翅於黔荆旣同病而同歎亦有胸而有情
謂余姿之淑遠似扶輿之灝清旣在人而靡類
亦何慕而不成曷不卻捐赤臭之路了涉清芬

之程有豫章之丹金有廬阜之金英釋恬愉於
性智一昭昧於竟營證無生以爲友拂煩軀而
頓輕止則風停動則雲征鬱兮纁鴈之聘飄兮
素鶴之迎豈不長消枝係永辭患驚爾乃效藩
羊之靡決類纒蠶之自縊送華韶于遠道爍靈
根于短名已焉哉言之者無情聽之者有懷經
物情兮轉流泊主人世兮苦難諧索米長安之

舍乘馬草臺之街豈若仙衢玄仗帝國清齋金
蘭之語無別乘尊之趣當乖鵠態雲霞之氣龍
章土木之骸結遙情千荆越托遊真於海涯君
門萬里人天一涯懷端易繞意謫難排西湖書
艇南部紫臺窻高月度幔卷風來緬青矜而送
抱撫零露以傾豐每憶霏霏之妙語恒慚負負
於仙才

吏部棲鳳亭小賦

有序

余生有涯物遇無極隨眇而流薄觸象而透
遲固有年日矣若乃南都選署餘姚沈君俞
君磁州李君潮陽周君吳顧君王君余鄉朱
君俱懷當世之才逸俗之度余並遊之其署
南側有棲鳳小亭諸君緩頰之場也余醉其
中忽憶紅泉別墅草樹如斯因爲此賦

遶龍巨川棲鳳名園蘋池蔽景竹町籠暄吹臺
之梧對植暗河之桂雙掀果多梅真草則蘭蓀
錦雲披而花笑珠露零而葉翻地則銓流之署
人非華競之軒况復選部羣公蘭要清通並挺
瑤山之幹俱韻竹林之風賞心惟會鏡影彌宰
緩帶而臨清燕擲管而和雕蟲可以永慶朝倫
之穆均歡臣譽之融汰靈襟於草陌送柔抱於

花叢芳尊之友無恙折楊之調誰工有如僕者
周行有命孔德無容雖煥發於霞藻終睇緬於
雲松也

哀黃生賦

有序

余友黃生名棟里人也年六十矣貌寢孤貧
聞遊者談京都之富冒漲而行止之不得至
徐興中暑漢昇過東平已不任視聽矣至京

一日而與同旅人共瘞之關南舍成其生時
驢譟撫壠酸涕下第陸歸不能致彼故鄉先
賦逝言

哀哉費生生年甚飲今日故人醜君幽縶欲不
吞聲媿相嘲切欲不陳詞難相飲噎生貧好書
仰人習樂定本巾箱亡書別篋蠹跡難憑蠅頭
自爲獻笑虞初涉畧蒼雅目不知書玉珮金車

讀書如此不及侏儒生故無子求方服食雖有
聞情曾無弱息不善爲容揭露喉齒掉臂而行
槃跚步履故無長志亦復短視忽慕豪率來觀
帝里 帝里云何昔我經過夏沒稽空江淮
冰河濤翻雪島旋轉雷渦曲折駭頑寧任風波
渡江而馳飈逐騾車焚輪疾埒牛馬之餘中目
疑齒蒙顏變軀懸發有程不得徐驅塞門暑路

鑠石裁冰羊腸巖險驂耳摧凌公無渡河余方
泣岐拔劍而去不若哺糜生時揮手語謝朋友
帝里豪華誰非白首土風便習豈問妍醜結
駟難期蹈隙時有余聞此言重相止勸凡今之
人年輕力健勁出如鎚巧入如線動止如風舉
舌如電若鬼若神潛形晦現如瘳如蠅食復轉
變承鬣嬉遊侯鯖穢羹生無技姣樂阿則便古

人有言貴不如賤白首華京非生侶儔號曰強
起名爲宦遊年高始壯漏盡何憂如生已矣宜
終首丘左思摘白楊雲逐貧人皆有憶我獨無
身蟣腸蠅鬢廳腹鳬脰影必隨形力不敵命河
上郵亭別館橫經妻稱牧犢子字螟蛉希夷自
洪怪魅無逢顛爲浪士忽翳雲蹤陰陽之食貧
病之客中竭徐邦遊龐岱宗禠致子京不復省

人目直猶視舌橫難陳一宿而冥同旅悲莫
盡都南時張周身他鄉是客異鬼非隣已迷生
路寧識歸津千秋一寄萬里同塵夏夏徬家遙
遙族親魂飛渺茫過鳥獸翔何當拍取還君故
鄉

玉茗堂全集

臨川義仍湯顯祖著

賦

遊羅浮山賦

有序

夫星圖粵地引潮汐於玄紐日次周天晷晷
夜於陽陸然則南嶺之南北戶之北固以輿
象之所偏麗燭龍之所長寤矣而廬嶽天子

賦

卷一

之障衡山祝融之皞樞軸雖連於四極經絡
未窮於南紀高融與博是在羅浮羅山上直
百粵之精旁羅赤溟之氣軒轅以降降爲粵
嶽矣而浮山者是惟蓬萊神山浮自會稽靈
海斷鰲不足比其波蕩操蛇不足異其轉徙
蒸流輶絕橋佇眙分舉飛峰息壤神理自然
所悵鬱者名迹蕪藹采真莫續濁塔暗朝花

之影沉湖銷夜樂之音每與友人祁衍曾曾
人積嘆恨其奇大有終焉之意而東宮陵祀
升踐靡由辛卯冬十月始以出尉徐聞連令
尹崔子玉於南海邊文學濯從先於東莞耆
川墟履原隰宿朱明曜真之館候晴霏焉蓋
晦夕也詰朝朔微雨襲梅墟經石門聽泉於
藥大夫春及之廊阿明日觀大簾泉避雨廟

臚弔湛公於黃龍講堂道甚窄硤夜火青霞
洞中有湛公樓七楹仙鼠居之此盡下界三
矣明日起青霞至顛際觀日出爲中上六界
美人峰殊好神如道人時時出雲其下千仞
葉大夫石館處也日始華露欲晞見城郭者
四五前立石雙如蛾翅豎又立石翥爲燕子
門一名彈子門爲美人障其前瞻鯨峰也同

人不前獨往彌勝從數羽衣人萋藹而上鳥
道二十餘里廻翔眩視草樹飛翬光氣有異
非所經識意謂靈境阻夢剗然一岡平曼修
姪名以子午正其昏朝登頓再舍圭陰未禺
遂躡飛雲凌日觀唯見香鑪一具白水一卮
祀羅浮君焉望天池以陽星沙而陰東連扶
津之藹西盡崦嵫之色靡不區封有眇昭藐

無傷老矣下詩初見可才獲清翁主而至此
哉枕石起臥欣言賦之儼於謝靈運想似浮
寫差爲飛慳云爾

極廬衡之經首曄赤嶽於賁禺畧招搖之桂樹
望雲氣於蒼梧問津途於莞城釋泛舟於源壚
灑林霏之窈窕漠嚴戶之紆徐晨光飛而首路
夕影流而載驅倒煙容於衿帶睇朱明於隙餘

澄環顧于莽蒼林纖密以扶疎策孤征而晻影
鳥羣歸而沸呼傍靈池以涉趾歷迴梁而聳軀
鍾鼓鳴於林間香氣騰於路隅是爲帝軒轅之
所履神赤標之所廬坐參正而披衣閱柳中而
定居何遷人之執掌得借一於冲虛靈想接而
心歆營宅清而寐除慨衣冠其委土想丹竈之
流珠問洗藥於真人發靈籙於聖姑守瑤光之

玉虎戴碧斗之銅魚恨天華之宮不存怨明月
之壇久蕪斷冥心其莫引翳神光其忽諸徒使
來粵都者延明珠於合浦浮龜衣於賈胡彼臯
壤與山林非天性其焉如將縱觀其窟宅恣風
雲之襲余若有人兮山中葉公逃其大夫瞰神
峰之育經感鮑女之來胥築清冷之妙館移家
室於真箇半九天而一息卷懸泉而自舒契蘭

溪之趙相咏明懷於彼妹悵峩峩之脉遠覺茅
山之氣殊諒仙人之藐矣居其堂而載肝度石
關之穹窿接新構之離婁泉淙淙而夜鳴雲英
英而晝敷清不可兮久留澹容與以踟躕山帶
氤而翠積水蘊波而素紆營磐砥兮偃仰蹠葩
華兮噴壺避雨蜩蟬之洞睨梁天漢之虛彼增
城之湛子洵赤海之名儒匪淳耀其外麗有神

精而內撓吐經書以玄澹集龍鳳以娛娛若洙
泗之間閭儼夏屋之渠渠委樓觀於山精寄田
業於門徒聖無存而不妙凡有亡而必粗疑海
波之增減窺戶牖之有無蘊苦心其爲誰遡流
風而涕俱於是拂金沙兮夜語蹊青霞兮旦發
遲感夷而宛轉望敦龐而塊軋澹孤青於氣表
瀟陽華於空閣若崖隤於川渠錯琤瓏於樓闕

雖道絕於登降亦臨觀其曲折緬增城其在茲
遙仙風而輟嶸俯龍門而直上有流光之影撒
激上界之精華照下方之明滅何峰容之偉奇
漾真人之秀烈偶儷石之前臨露參差而降列
如倚翅以斯冲似懸帆之次揭映神姬之出雲
夫朝暾而暮暉轉靈螭而下視象寒津之漱齧
始神山其浮來自會稽而涌垠覽至今其草木

有東方之種別泯合際於羅丘度鐵橋而綴缺
豈華靈之遠擘非秦皇之近設抵半舍而泉分
宿煙炊而飯潔詫本末崔子玉之下來愴石罅
翟點蒼之因歇信絕地之行難豈中天而輿輟
定飄搖而整巾豫蹠跼而結襪頓金東之拳奇
步羽人之勃窣上登鬱其若梯進歸顏其若闌
峭壁虛而溜浮積泐歛而苔滑寄掌股於旁陁

托跟跣乎目極蓋起埵池而躡飛雲周三十里
之靈樾象耕之所絕蹊雉樵之所迷術肆奇樹
之葱蘢并異卉兮冥密紺蒼凝而互陰碧鮮流
而競發固風霞之所藹藪亦丹膏之所滛鬱有
一花而四照有五色而一節或建日而無影或
嵌空而有雪青珠冷風其欲亂珊瑚叢生而逾
活神塵倚其雍在仙颺影而撒拂木客離筵而

似語山魃隱映而倏忽別有朝菌若雲夜芝如
月翠羽攢菁金粉浮馥曩得一而爲艷此成林
而不掇固靈境其常然嘆人生之覩絕謂林封
而徑窮忽岡巒之秀闊偃撐距而不前乃案衍
而條達曉發足於青霞午凌岡而載菱候鷄鳴
於上霄降茲轡而子未正子午之嘉名定昏曉
之相割念人間之急晷劣旋車而已瞥矧山行

之阻迂慮峰攢而影咽竟凌霄而未出何鄧林
之蚤渴豈日氣之偏延非海陰之所遏遂徑庭
其造天極空實而戴日屬湘嶷於壘確辨交蕪
之隴埒耿舊木於河林認扶業於渤碣挾瓊州
而地矯引長星而天豁布盼蠻之芒芒衆每生
而忽忽偶旦宅以推排操山川與名物皆冥丘
而去燕今南池而徙越爲情多其苦悲亦心淺

而易悅塵影含而智虧年路深而意沒夜樂何
時而遇仙花首何因而禮佛村凡情於聖真若
闕觀與窮髮將無始之趣未融令有終之相難
聞朱鳳沫而潭氛碧鷄殷而石裂覽異鳥其參
差意靈禽之彷彿宮艷歸而如在丘壑虛而豈
屈吾將洗浮氤於自然悟空明於一切朱陵之
花菲謝曜真之氣長結燁光景兮夏不知乎夫

之所窮觀凌兢兮吾以觀乎日之所出

秦淮可遊賦

有序

庚寅晚夏望夕風月朗清人氣蕭爽大儀伍
君命酒秦淮波上肅齡學宮弭柁乎斗門夷
猶中流急管起於別航名倡更於樂府襍謔
奇蓬漣於丙夜同寅膳客郎爾顧君小儀蔡
君各極本量而止懼如也就中客郎興寄橫

發待予正陽門下坐流雲之碧階送淪霄之
素月醉言有清人之許離思多久客之懷歸
攬朝霞賦成夕秀云爾

若夫赤月加望林鍾應響火熒熒而向流晷遲
遲而欲往光拂鬱以延歎氣烝沉而失爽徒屏
隱於軒廊閑遊觀於蒼莽何愜穆於周行獲佳
期於漢廣樂我諸君秀而有文繚江閩之素氣

劉吳越之奇氛既自公而多暇在燕私而必聞
樓臺落日山川出雲不懷陰而靡景草含清而
白曛首英寮其薦酒指蘭舟而命羣命羣今何
趨望秦淮今今夕拊文石之傾闌背學宮之廣
陌玉樹之長廊半陰金陵之倒影猶赤有所期
兮未來借彈碁而遲客減人從以輕舟池冠裳
而露幘儼佳賓其已齊放寬波而試劇蔭紫燕

與丹駁雜青林兮紺石蟬啾啾其翳響鳥差池
而卷翮晦陽魚之出遊豔波禽之浮拍思羃的
於芙蓉眷幽芬於蘭澤物有去而歡遲時有來
而愁迫曠皇都其未娛含流光而更索恨計往
於尋常悟懷來於咫尺澹容與於清華蕩流連
乎空碧蘋風起而颯帷箭月浮而動席度江東
兮宵柝嚴念漢西兮重圍隔太水關而望迥限

斗門而意窄態紛紜其自親飲周流而未擇極
本量之推排盡觥籌之發摘蘭肴藉今風色鮮
桂酒流兮月波液唳簫倡於隣舫接棹謳乎伎
籍吹激賞而彌亮唱延悽而屢繹諒不醉以無
歸豈有懷而未變水光搖其琰組露氣涼其簪
綰滌滯慮於玄青玩回環於虛白下瀨疾而須
款歸塘順而再逆邁亭臺於浦裔睇臯鬱乎樹

隙素光流兮雲石稠黛色深兮風煙積或樹古
而池平有朱門而盡帑釣渚何營漸臺誰闢吹
簫屠狗之孫鳴鐘販脂之役杳河漢於清懷盼
亭臯其可惜緬吳淮之百流斷秦餘之一沍擬
王氣以中沉亘皇明而上直若渭水之貫都象
明河之注極流美惡而匪鑑映井里其如織蔭
居人於倍市駐遊冶之百色牕姝倚女之夜咲

蘆人漁子之風食想閣道於何年悵籬門於此
城荷年運之清莫竊君子之光飾况山川兮夕
佳有才情兮誰匿諸君感此且飲且持小人承
之或鼓或罷或唱驚蟬落葉或歌飛鵲依枝去
清秋其幾何撫逝川其若斯清觴已矣良夜何
其散殘渥於津人分餘桃於侍兒收沉驪而一
縵上前崖而載歌眷橫參之已西嘆明星之不

遲咿啞笑語個旋步馳或有辭而未去或有去
而不辭亦各極其致爾誠無嗟於參差別有東
吳主客情源無竭偶先驅而北矯轉候予於南
關步巉嶮而迴風立交桓而送月望紫氣之冥
蒙坐玉街之瑩滑譚信州之積想喟玄都之素
謁已九涉於星霜詎雙凋於顏髮愴世路之悠
悠對旁人而咄咄愛予行之高奇許徵文之清

越諒醉語其必誠豈寤言而可忽倏天鷄兮告
晨漾朝陽兮欲出意悠揚而就分與淋漓而未
畢車舍皇而造門燭燔微而晃室歸夜遊兮氣
清聽晨風兮思密雖映賞於蒹葭尚留驩於蟋
蟀

青雲樓賦

有序

四明戴公是萬曆庚辰歲予遊太學時師儒

賦

祭酒也公容情俊遠談韻高奇於諸生中最
受風賞但春涉秋究日餘夜公私之致兼窮
禮樂之歡無吝矣辛巳以失意江陵相致任
里居而予亦跼伏江外徽音邈綿已丑予徙
官南祠得公手書云前塋婦徐青山山自天
台來其前雪竇山來從四明相當也夾以公
棠遷溪前以剡水橫合而東止靈海胥其窟

矣若乃關流扞門隨迎主賓金魚之阜玉鏡
之池玄武碧鷄之狀仙人文曲之星察其地
貌蓋亦他日歸真之宅也夫沒爲堂房生爲
樓觀考繁其中名以青雪四窓四明蒼翠如
織步吟徙倚甚以自適吾弟達者爲我賦之
以示後人予感而賦之

若夫越國君子翰林主人江海空明之氣風霞

秀上之神既有情而有望亦信美而且仁雖紛
吾之寡韻獲勝引於成均坐東堂而賦竹過西
池而采蘋圖史之觀入夜琴歌之醉兼旬人逗
機而無舊物賞氣而有新素風期於道業過洗
激於清塵加以東閣嫌猜南臺恚誤本生世之
難諧豈時人之法度念衮職其何補謝榮衢而
息驚岑仁義之壇場問風雲之徑路溫伯雪子

之畏人姑射仙人之飲露非息陰而取機且緣
生而發寤七尺之有難無一瞬之新易故苦山
川之陰入尚瑩臺之闌樹曙霞標其可驚布神
光乎赤城度星台而折彩閃鬱郁於徐青影玲
瓏之雪竇洞葩華兮四明左棠溪之溜莅右建
渚之葱蒨纖交流於翠剡歸榮光乎赤溟洞壑
宮商之響陵阿鳥獸之形象委宛以靈和氣參

差而淑清青島之金魚活活雪峯之寶鏡熒熒
吾山有終焉之志斯丘懷可樂之情志有悲而
未陳情有驩其必薦映渠陌之通明曉林霏之
簞藉藹生香其發越緜流津而渙泫皐壤晷而
陰穠草樹花而晴絢適愴莽以忘懷撫高深而
滯眷矯樓臺而一目敞軒甍於四面納陰陽而
吐心出山河而入見東井通日月之華北斗飲

風霞之彥客至而棲雲讓席人去而生煙拂薦
徘徊晤語徙倚流眄近深心其自遠追遺形而
故衍挹靈華於清府望仙人乎海縣想勝業之
悠綿限情期之涉踐相毫釐而密移恃神明其
未變一往之致無還方寸之心有旋故通人之
遠音妙死生於一線惟人生之去來像潮音之
出沒偶愜寄於山川又奚分其宅窟當生門而

近鬼逝多林而就佛襲光氣之流離藉陰暉之
隱鬱撫靈娟兮悲玉人先朝露兮掩金骨指同
穴以爲期念皎日以明發依松柏之明庭托粉
楨於靈越旣連理之在茲庶畫衾之無缺遲鳳
塵於金泉訂鸞詵於石闕渺同室之春秋凜便
房之歲月想霜露於容堂且醉歌乎林樾極平
生之眺聽冀遊覓之恍忽棲造天而敞高壙穿

泉而勃宰隔地脉之幾何謝人歡於倉卒玩傳
薪於竟指候滄桑於窮髮來未詮其所根去不
知其何物苟來去之無存自欣愁之可拂就臨
穴而何怵暫登樓而靡他善飛沉之暢悅佳草
木之倚邪思羨人兮瑤草蔭山鬼兮女蘿奉浮
生於尺帻懷佳期於寸波悲千秋其未弭懽一
日而已多唱蟋蟀於軒堂邈寤寐於陵阿寄流

光於夜宅欣蚤計於前和弭日月之合璧成樓
闕之崔嵬迺甘露之鷄鳴聽洛水之虞歌達生
之能事已早徵躬之滯累伊何澹春華於曉署
颯秋光於夕河昔樹人兮桃李今懷仙兮芰荷
尚風雲其未已乘樓觀以經過還及美人之無
恙佇靈想於羲娥

西音賦

有序

周無懷與今侍御饒伯宗並予弱冠時友也
周君氣激虹霓心注時務其人雖短在乎儒
俠之間也中年好道世業凌夷遂乃骨立於
江潭神銷於路側則夫把手而悲撫心而贈
者交道之常人倫之槩也夫上困者不如井
養外睽者思其家居於是周卿興言晚計修
仲長休璉之樂焉於予有成言也賦而歸之

何無懷之老人紛平生之可念昔魁顙而美髯
亦睥清而骨焰肯問舍而問田曾學書而學劍
說西州之地牢講南吳之天塹窺流俗以愁眉
指英雄而自古饒君長而靡餘周卿短而亦膽
何賦命之殊條逢竝飛而忽墊妻子死而神傷
衣食虧而意斂青瞳枯兮無光白髮生而少艷
稍遊涉以殘那數坐遷而涕欠望百年兮幾何

尚寸心其未玷絜才度於時人許十倍而寧潛
君素食以恒饑彼脂膏而未厭痛皮骨之空存
直年華之數儉且辟穀以無方豈長生之足驗
偶西笑以彈冠竟東征而解纜朱絲拂而鳥舞
洞簫吹而魚瞰獨世路之無明屈夜珠於投暗
致旅人之瓊瑣坐予官之淡淡將送子以薄裝
復依人而轉飄山中之桂團團江上之楓湛湛

賦

愁江上之清風吹故人之白首昨與予兮成言
歸葺理其園畝曉傍樓而聽松學當門而種柳
閭雉廩之苗麥襟鴈池之菱藕直春秋之羨辰
約遠近之妙友舟音多半日之挈青驢有數步
之走乍迎門而一笑且入坐而開口問近况之
何如并遠親之在否墟集之屠鮮可具廬落之
果蔬自有眼前之風物宜人厨下之兒童應手

或興淺而中飯或談深而上酒有月下而聞笙
亦風前而擊缶常若斯其往來初不記其前後
倚名流其自清恃嬖黜而可久予素信乎周卿
諒斯言之不朽巧天機其密移劣人心之映愛
愛世味而愁短立家基而願壽一生二而生三
歲數伏而數九糴清微而糴粗過美好而逢醜
猶守兔於舊株尚窺魚於敝筍豈知事有所不

可知器有所不可守嘆子官兮久稽歸與子乎
解携遡流光之綽約映明真而卜棲過香鑪於
星子揖上清於盧溪散江湖之流精玩龍虎之
仙機水玲瓏於山蹕花曉藹於林扉亦鷄犬之
相聞但車馬之來稀能止衆而止止得非想而
非非飲氷雪以年熟澡甘泉而色輝儻老生其
卜死會移家而見依

噬彪賦

有序

予罷巴丘南百拆山中有道士善豎虎兩函
析之以鐵中不迴也左關羊而開右以入虎
懸機下焉餓之抽其析出其爪牙楔而鋸之
頰其舌已重餓之飼以十銖之肉而已久則
羸然弭然始飼以飯一杯菜一盂未嘗不食
也亦不復有一銖之肉矣以至童子皆得飼

賦

二卷

五

之已而出諸囚都無雄心道士時與樸跌爲
戲因而賣與人守門以爲常率虎千錢大者
千五百錢初猶驚動馬牛後反見犬牛而驚
矣或時伸腰振首輒受呵叱已不復爾常置
庭中以娛賓月湏請道士診其口爪鐫剔擾
洗各有期道士死其業廢子獨嗤夫虎雄蟲
也貪羊而窮以至於斯辱也賦之

夫何山中之一獸兮受猛質於西昊貌低圓而
項廷鼻黥隆而齒齟目斜匡而電爍聲倨頷以
雷殷舌理粗而莖樹鬚鋒橫而獵人爪含銛而
卷曲尾拂雪而鉅伸咤形模其足怖矧精威之
絕塵靜喘而陰飈罕起坦步則稠林自分凜氣
候之相制隱形勢而見尊况百拆之深山常此
窟之成羣黃斑屬而臥隴白頰連而飲津初涉

味於牛馬遂舐及於人民戶震躬而屏徙或重
遷而遠落獨無生之道士故有心而與隣力不
加於子路術不詭於黃神布石關之宛轉交鐵
葉以續綸界鳴牟於接檻誘閭羶而見循進密
歷以窮路退踣躅而下門遂乃聊浪擲跌偃又
輪囷始僖耗而怒湧久牢騷而意煩氣屈而敲
力瘁而段襲局拘而勢改積威約而理均於是

道士欣焉待旦及晨舉之於懸處餓之以兼旬
待感神之委頓任處置之紛紜未啗頭而接鬚
先習爪而剔蹠振權牙於巨斧磨刺舌以疏巾
香泔變其腸胃清水洗其喉唇欲次第而施食
已隨宜而致馴初猶啖以礪肉次則習以盤飧
或設以粳粒之餘或投以菰芥之根旣苦饑而
伏檻敢擇食以懃恩遂乃改山林之性氣狎鷄

犬之見聞遇夫人之下視卽弭耳而意親諒厓
柴之已去放野牧以逡巡非止柔性兼弱其肋
圓腰纖而脇息豔班摧而襞皺撫之而亦喜撲
之而不嗔似巨狴之攫足若卑犬之纏身偶循
隅而吐暗輒蒙呵而愴寃昔有大巫之號今有
小畜之云慎擇距之無時委降戢於非倫雖山
君之短智亦梁鸯之淺仁見其弱而可弄牽以

售而論斤有守犬其未足借虛名而守閭既爪
牙之久折亦何威而見奔第周旋於苑薄得混
迹於毳麕學婆娑而昵主戲矍綽以娛賓感知
音之君子被嘆涕之殷勤偉茲靈之巨猛鬱有
武而有文偶唇吻之所及皆性命之相因論雄
心與剛力固決軋而倒坤畧網絳而風飛觸爍
燎以雷噴哮怒則千人自廢憤蹶而萬瓦猶震

非胥疏其有欲何牢檻之敢陳偶朶願於跛羊
落一髮於千鈞饑窘來而餌施利器往而性泯
足人間之玩擾何氣決之可存諒如此而久生
固不如卽死之麒麟